

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**MIŠLJENJE**

po zahtjevu Javne zdravstvene ustanove „Apoteka Gradiška“ Gradiška, Vidovdanska 11,  
78400 Gradiška

**Sarajevo**  
**mart, 2025. godine**



Broj: 07-26-7-3-6/25  
Sarajevo, 20.03.2025. godine

Konkurencijsko vijeće Bosne i Hercegovine, na osnovu člana 25.stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu Javne zdravstvene ustanove „Apoteka Gradiška“ Gradiška, Vidovdanska 11, 78400 Gradiška, na 24. sjednici održanoj dana 20.03.2025. godine, je donijelo sljedeće

### **MIŠLJENJE**

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 03.02.2025. godine pod brojem: 07-26-7-3-1/25 zaprimilo Zahtjev za davanje mišljenja Javne zdravstvene ustanove „Apoteka Gradiška“ Gradiška, kojim se traži mišljenje u vezi sa obavezom primjene Zakona o javnim nabavkama („Službeni glasnik BiH“, br. 39/14, 59/02 i 50/24).

Pomenuto pitanje je pokrenuto prilikom vršenja revizije poslovanja „JZU „Apoteka Gradiška“ od strane Glavne službe za reviziju javnog sektora Republike Srpske, koja je kao i Agencija za javne nabavke Bosne i Hercegovine dala mišljenje da JZU „Apoteka Gradiška“ mora nabavljati robe i usluge u skladu sa odredbama Zakona o javnim nabavkama.

Konkurencijsko vijeće, kao samostalna upravna organizacija, u skladu sa Zakonom o konkurenciji („Službeni glasnik BiH“, br. 48/05, 76/07 i 80/09) ima isključivo ovlaštenje u odlučivanju o postojanju zabranjenog konkurencijskog djelovanja (zabranjeni sporazumi i zloupotreba dominantnog položaja) i ocjeni koncentracija privrednih subjekata na tržištu Bosne i Hercegovine.

Zakon o konkurenciji se primjenjuje na sva pravna i fizička lica koja se posredno ili neposredno bave proizvodnjom prodajom roba i pružanjem usluga i koja mogu svojim djelovanjem sprečavati, ograničavati ili narušavati tržišnu konkurenciju na cijeloj teritoriji Bosne i Hercegovine i značajnijem dijelu tržišta.

Privredni subjekti, pravna ili fizička lica koja za to imaju pravni ili ekonomski interes, privredne komore, udruženja poslodavaca, udruženja potrošača i organi izvršne vlasti mogu u slučaju osnovane sumnje da je između ponuđača u postupku javne nabavke došlo do narušavanja tržišne konkurencije u smislu zabranjenih dogovora između ponuđača u smislu člana 4. stav (1) Zakona o konkurenciji u vezi sa članom 52. Zakona o javnim nabavkama, podnijeti zahtjev za pokretanje postupka pred Konkurencijskim vijećem u skladu sa članom 27. Zakona o konkurenciji.

Međutim, Konkurencijsko vijeće nije nadležno davati mišljenje u vezi sa obavezom primjene Zakona o javnim nabavkama niti davati izjašnjenja na mišljenja Agencije za javne nabavke.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

**Predsjednik**

**Ivo Jerkić**

**Dostavljeno:**

1. JZU „Apoteka Gradiška“ Gradiška
2. Arhiva